



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Remittitur Eboracum & damnatur. Ibid.

urn:nbn:de:hbz:466:1-38320

1595.

(hoc est, Verbum Christi per Sanctam obedientiam) non me hinc mouebo, sed vñque dicam, *Ecce me, fiat voluntas tua.* Gratias reddo Iesu Christo Domino nostro, à cuius liberalissima manu multo quām promereor amplius consolationis accipio; neque me animus deficit, neque fiducia in grandi hoc Salvatore in quo omnia possum; Et quia iussi Præsidis quāna mihi papyri folia data sunt, quibus fidei meæ argumenta inscribam, in his iam breuior sum, atque deinceps tecum & cum alijs futurus sum. Si vixero, scribam volente Deo iterum de omnibus; si moriendum sit, supplebit Deus omnia melius: Ego autem ero in pace: *Iesus fit tecum: Oremus pro inuicem.*

Dicitur
Londinum
& torque.
tur.

XXXIX. Lucubrationibus hisce, & frequente cum Ministris congresu, accedebat indies Henrico apud plerisque auctoritas, & prudentia, doctrinæ, innocentiae existimatio, quam Topliffus & Piæles ut extinguerent, nouis cum fatigare, & inuoluere interrogationibus occuparunt. At cum se operam perde- de consiperent, Londinum accersiri curarunt. Debebat nimirum Henrico constantia experiundæ fortius certamen, quod ab ipso itineris exordio ingressus est: Datâ enim curâ Topliffo anctum hominem deducendi, is pro inge- nio suo barbaro & crudeli, toto octogenum milliarium itinere non alio tra- ctauit ritu quām si fuisset de proditione, laſa que Majestatis criminis conuictus: testesque subornauit qui necem Reginæ eo auctore paratam fuisse dictitarent: Qui astus tam ſæpe in Sacerdotes tentatus est, vt ipsa ſuâ frequentia viluerit, & inter accusationis in Henricum capita illud recensere fint veriti. Londinum ut appulit, in Arcem conieetus est, tanta rerum omnium cum penuria, vt neque stratum, neque integumentum, neque quidquam ad arcendum frigus asperri- um daretur (erat enim mensis Februario) neque ad famem lenientiam ci- bus; qua exagerata inclemencia Praefectum Arcis miseratione commouit ut straminis pauxillum ad nocturnæ quietis fomentum iuberet inferri, & conqui- fitos Henrici necessarios monuerit miserandæ conditionis; At tanta fuit To- pliffi atrocitas vt non solum viam omnem intercluserit succurendi, sed qua- terdecies acerbissimè tortum sibi ipsi reddiderit inutilem. Quoniam vero sicut totus orbis sapienti patria est, ita omnis locus animo Religio o cœlum est, quo potuit vel carbonis vel calcis stylo Henricus descripsit in pariete confessim no- mina nouem ordinum Angelorum; & supernè nomina Sacratissima Iesu & Mariae, in supremo vero loco nomen Dei, literis Græcis, Latinis, & Hebraicis; sub quibus omnibus ſuum addens, & quid sibi ijs in latebris agendum esset, & pro quo patiendum indicauit. In his vero abijt annus integer; cum qui Reginæ erant a consilijs pertæsi decreti quo Henricum ad se vocarant, vnde nihil præter eius gloriam & existimationem ſuam vero ipsorum confusione collegissent, amandum rursus Eboracum censuere, vt in quo cauſam necis nullam repe- riſſent, ſi ab alijs necaretur, in medio ipsis esſet. Quò vero ad metam proprius, eō ad patiendum constantius ſe admouebat Henricus, neque voluntate ſua remittendum quidquam censuit de vitaasperitate quam aduersariorum atrocitas ei impofuerat dum Londini tñneretur. Itinere toto ad ſomnum humi procu- buit, &

Remittitur
Eboracum
& damna-
tur.

buit, & Eboraci deinceps vnâ tegete seu storeâ ternos longâ pedes ad omnem subsidium instructus, eâ nixus magnam noctis partem orando peruigilans, demum fatigente natura se humi iternebat ad carpentam magis quâ in capiendam quietem. Edictis ad diem tertium decimum Aprilis comitijs Hic tertius processere in publicum Beamontius, Hillyardus, Eluinus caularum ludices, est titu antiquato.

quos frequens nobilitas, vis magna curialium, turba conferta stipabat, quantum Comitij caperet amplitudo. Ut est confessum *Henricus* grauis compediibus & catenis, inter complures facinorosos, ad augendam ignominiam, in medio sistitur. Ad quem scriba comitatus alta voce, *Henrice VV alpole*, extolle manum; Id nempe in Anglia iudicij principum est, quo se præsentem adesse spectabilemque is qui accusatur ostendit. *Henricus*, ducto prius signo Crucis, manum extulit. Mox ita prosecutus est scriba. "Accusaris *Henrice VV alpole* quod Anglus cum sis, in Provincia huius Regni Norfolkia natus, Reginæ nostræ Elizabethæ subiectus, natu primus atque haeres Patris tui, excessisti Regno in transmarinas regiones; vbi auctoritate Romanæ sedis Sacerdotio initiatus es; & subinde ut proditor, & hostis Regni & Regie Majestatis revertisti in Angliam contra leges Regni, & injisti oppidum Killam vbi comprehensus es. Dic. His proditionibus & Majestatis læse criminibus teneris necne obnoxius? Respondit *Henricus*, nullius se proditionis, aut violatae Majestatis reum esse. Tum scriba; "Cuinam igitur huius causæ cognitionem permittis? Inoleuit enim in Anglia mos (vti alias dictum est) vt duodecim è nobilitate, aut ex ciuibus promiscuè delecti, Sacramento prius obligati pronuntient, fecisse necne videatur id cuius quis accusatus est; si non fecisse dixerint, liber, solitus carceris iuribus abire permititur: Si dixerint fecisse, tum iudices periti legum de supplicij genere decernunt. Si quis abnuat huic le permettere iudicij formæ, is atrociore pœna, ceu patrij moris aspernatione perduellis, ita mulctatur ut lumbis præacuto lapidi supinus incumbat, impositoque vrgescatur pondere dum fatigat. Quod supplicij genus subire malunt aliqui, vt bona ad haeredes possint peruenire, quæ aliqui addicuntur ærario Regio. Pauper si renuat, habetur pro confitente reo, & communi restis supplicio necatur; quod pluribus Sacerdotibus hac tempestate accidit. *Henricus* igitur, quamquam initio tergiuersatus, Deo se cause sua cognitionem, & Patriæ permittere dixit. Tum aduocatus Regius Sauellus longam ingressus orationem, in Sacerdotum Romanorum vniuersitatem, & propriè leuitarum nomen inuectus est, & omnium vbiuis gentium molitionum iniudiæ onerauit. Sed primum & grauissimum caput erat, quod gentes omnes in Papæ Romani fidem Religionemque transcribere omni ope & studio enitanter. Ex ijs esse *Henricum*, qui Papam viderit, Regem Hispaniarum conuenerit, cum Personio & Holto alijsque perduellibus tractauerit; Seminaria lustrarit, coluerit, fundarit; demum vel via ipsius confessione omne hoc genus proditionis Patriæ lege interdictum suscepit. Flagitanti *Henrico* ut fas sibi esset responde-re; Hillyardus, alter Iudex, multum stomachans, tam insignem perduelliionum artificem

D d 3

artificem

1595. artificem aiebat loco tam honesto loqui non oportere ; capita Lætæ Majestatis complura confessum, indicata causa & purgatione non auditæ damnari posse. Excipiente Henrico, nè flagitosissimo quidem de capite dimicanti locum sui purgandi fuisse vlpiam negatum, concessit Beaumontius modo breuis esse vellet : sic ergo exortus est.

X L. " Trium nominum accusor, Domini : Primum quod Sacerdos sim, auctoritate Romanæ sedis initiatu: tum quod sim Iesuita; Postremum, quod in Patriam redierim ad faciendum quæstum animarum. Horum nullum potest quidquam habere cum perduellione commune. Quod de Sacerdotio vos ipsi facile concedetis, atque etiam de Iesuitis, cum vbiique per orbem habeantur in veneratione; Nemo enim Sacerdotio, neque eius officij munis perduellis efficitur, sed prauâ atque à Sacerdotio alienâ designatione. Neque regressus in natale solum potest mihi in crimen Lætæ Majestatis veriti, si caula mei regressus nec regno, nec Principi noxia sit.) Sed lege cautum est, subintulit Beaumontius, ut Sacerdos qui ē transmarinis redierit, neque se Magistratus stiterit intra triduum ut se Reginæ legibus submittat, perduellis habeatur." Igitur, resumit Henricus, immunem necesse est esse me, qui primo quo pedem in Regnum intuli die comprehensus sum.) Ad inexspectatam ratiocinationem multitudo commoueri vila est; pars probare, pars ridere, pars stomachari: Beaumontius stetit pudore confusus: Cui ut ferret luppicias Eluinus, Iudicum tertius; Missas fac istas ambages, inquit, & summatis dic; velin Reginæ eam auctoritatem adscribere quam Anglia leges adscribunt? Praes etiam interlocutus, vide, ait, *VV alpole* quām tecum agatur liberaliter, cui tot & tanta perduellionis capita facilis submissione lege præscriptâ redimenda permittimus; sin legis gratiam alpernaris, in te lege agi oportet: Cui contra Henricus, " Nihil terum humana-rum est, (dum nè Deo aduersetur,) in quo non promptè me vobis submire-ro; sed à me Deus auertat ut admittam aliquid unde honori diuino decessio qualisquefiat. Reginam Principem meam, ut fidelis subditus, obseruo atque amo; Deoque quotidie supplico, ut Sancto suo spiritu illam informet ad ea in hac vita consilia quibus sempiternæ vitæ gloriam adipiscatur. Testem etiam appollo Deum me ijs omnibus qui prælentes sunt, & præcipue accusatoribus meis, salutē & veræ Catholicæque Fidei studium, extra quam salus esse non potest, haud fecus quām ipsi mihi exopere. Populo his dictis diuersè commoueri viso, Praeses ac Beaumontius, ne quid cieretur turbarum, expediendam breuiter caulam rati, accusationis capita summatis repetiere, & ad duodecim viros conuersi iussere officio suo fungi. Hi perbreui deliberatione habita, reum videlicet Henricum diligenter pronuntiant. Ille successu laetus, actis Deo gratijs, expectabat à iudicibus sententiam supplicij: Sed re in alteram diem prolata, Henricus reuinctus in tergum manibus, ut iam capitatis damnato, in carcere reductus est. Perendino die frustra diu sollicitatus in custodia ut parceret vitæ suæ, iterum in tribunal adducitur, adjudicatur-

que in